

IV QUESTIONNAIRE CODE DE L'ÉPREUVE

M45

Q25

S2

H5

N° ADMINISTRATIF

TEXTE I

Illa tamen gravior, quae, cum discumbere coepit,
 Laudat Vergilium, periturae ignoscit Elissae, 435
 Committit vates et comparat; inde Maronem
 Atque alia parte in trutina suspendit Homerum.
 Cedunt grammatici, vincuntur rhetores, omnis
 Turba tacet; nec causidicus, nec praeco loquetur,
 Altera nec mulier : verborum tanta cadit vis ! 440
 Tot pariter pelves ac tintinnabula dicas
 Pulsari. Jam nemo tubas, nemo aera fatiget;
 Una laboranti poterit succurrere lunae.

JUVENAL, *Saturae*, VI, 434 – 443TEXTE IIwww.ecoles-rdc.net

Legimus, cum Aruleno Rustico Paetus Thrasea, Herennio Senecioni Priscus Helvidius laudati essent, capitale fuisse, neque in ipsos modo auctores, sed in libros quoque eorum saevitum, delegato triumviris ministerio ut monumenta clarissimorum ingeniorum in comitio ac foro urerentur. Scilicet illo igne vocem populi Romani et libertatem senatus et conscientiam generis humani aboleri arbitrabantur, expulsis insuper sapientiae professoribus atque omni bona arte in exilium acta, ne quid usquam honestum occurreret. Dedimus profecto grande patientiae documentum: et sicut vetus aetas vidit quid ultimum in libertate esset, ita nos quid in servitute. adempto per inquisitiones etiam loquendi audiendique commercio. Memoriam quoque ipsam cum voce perdidissemus, si tam in nostra potestate esset oblivisci quam tacere.

TACITE, *Agricola*, IITEXTE III

Itaque, credo, si civis Romanus Archias legibus non esset, ut ab aliquo imperatore civitate donaretur perficere non potuit ! Sulla, cum Hispanos et Gallos donaret, credo, hunc petentem repudiasset ! Quem nos in contione videmus, cum ei libellum malus poeta de populo subiecisset, quod epigramma in eum fecisset tantummodo alternis versibus longiusculis, statim ex iis rebus, quas tum vendebat, iubere ei praemium tribui sub ea condicione ne quid postea scriberet. Qui sedulitatem mali poetae duxerit aliquo tamen praemio dignam, huius ingenium et virtutem in scribendo et copiam non expetisset ?

CICÉRON, *Pro Archia*, 25